

Txoj Kev Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California

Cov Tswv Yim Uas Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog California Cov Av Ua Liaj Ua Teb Pom Zoo Kom Ua

Cov tswv yim uas pom zoo kom cov koom haum txuag av los mus ua

Cov Ntsiab Lus Qhia Dav Dav

California muaj ib qhov teeb meem tsis ncaj ncees loj hais txog cov av ua liaj ua teb uas yuav tsum tau muab daws kom tag sai sai. Tau ntau caug xyoo lawm, coob tus neeg ua liaj ua teb thiab cov neeg saib xyuas Neeg Qhab cov av yeej tau raug txwv tsis pub ua tswv thiab tuav cov av ua liaj ua teb vim lawv yog ib haiv neeg tawv nqaij txawv, lawv yog ib pab pawg neeg txawv, lawv yog poj niam los sis txiv neej, lawv yog neeg nplua nuj los sis neeg pluag, thiab vim lawv txoj kev khiav tuaj nyob hauv lub teb chaws, nrog rau lwm yam.¹ Niaj hnuv no, txoj kev uas tsis muaj kev ncaj ncees hais txog kev ua tswv thiab kev muaj kev mus siv tau cov av ua liaj ua teb yeej phem dua yav tag los lawm vim muab cov av muag rau tsawg tus neeg tuav thiab muab muag ua lag luam, vim huab cua pauv, thiab vim cov lus tswj hwm uas muaj ntau yam nyuaj cov neeg ua liaj ua teb.²

Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California yeej yog ib cov txwj laus tsa los khiav hauj lwm tsis muaj leej twg yuav los cuam tshuam nyob rau hauv California Budget Act of 2022 (**AB 179**) los mus muab ib cov tswv yim uas lawv pom zoo kom muab tso rau hauv cov lus tswj hwm xa mus rau tus Tswv Xeev thiab Cov Txwj Laus Sau Kev Cai Lij Choj hais txog txoj kev yuav los ua kom muaj av ntau ntxiv coj luas ua qoob loo thiab coj los rau Neeg Qhab ua liaj ua teb. Qhov Dej Num Tsim kom muaj ib cov tswv yim pom zoo kom ua los ntawm ib txoj kev nrog pej xeeb koom tes uas twb muaj coob tshaj li 400 tus neeg ua liaj ua teb, cov coj ntawm cov Neeg Qhab Ib Txwm Txawm Nyob Hauv California thiab cov tswv cuab, thiab lwm cov neeg nyob thoob plaws California. Tsab ntawv nthuav qhia kawg twb yog tsab uas muab xa mus rau thaum Lub Kaum Ob Hlis 2025.

Peb yeej muab cov tswv yim uas pom zoo kom ua faib ua rau (6) ntu ntawv



Kev muab kev saib Neeg Qhab cov av thiab kev muab av rov qab rau Neeg Qhab coj los ua ib qhov tseem ceebn.



Kev muab nyiaj pab thiab muaj nyiaj txhawb zog rau txoj kev yuav av rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.



Txiav, kho, thiab muab txoj kev uas pub ib tus neeg los sis lag luam mus yuav av ua liaj ua teb ntau thim rov qab.



Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb.



Tiv thaiv thiab muab txoj kev yuav tau av ntev coj los ua qhov tseem ceeb.



Txhawb txoj kev ua liaj ua teb hauv cov nroog loj.

Kev ncaj ncees hais txog cov av ua liaj ua teb yog thaum cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheej yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, muaj txoj kev uas ib cov neeg muaj ntau tshaj ib cov, los sis muaj txoj kev siv tsis raws txoj cai.

Cov neeg ua liaj ua teb tseem ceeb thiab cov neeg uas saib xyuas Neeg Qhab cov av yog cov tib neeg uas tau raug kev txwv ntawm txoj kev ua tswv av thiab txoj kev tuav tau av ntev rau kev ua liaj ua teb thiab rau Neeg Qhab siv zoo li yav tag los thiab los ntawm kev khiav hauj lwm.

Cov tswv yim uas pom zoo kom cov koom haum txuag av los mus ua

Txoj kev tsim tsa vaj tse nyob hauv nroog loj yeej yog qhov teeb meem loj tshaj rau California cov av ua liaj ua teb. Muaj ntau tshaj li 1.6 lab ev kawj (acres) av ua liaj ua teb thiab av yug tsiaj tau ploj thaum xyoo 1984 mus txog xyoo 2018, uas Cov Av Zoo Ua Liaj Ua Teb yog cov uas ploj ntau tshaj.³ Nyob rau tib lub sij hawm ntawd, tej yam tsis zoo uas muaj los tau ntau puas xyoo rau cov av ua liaj ua teb yeej niaj hnuv ua rau huab cua txhua yam ib puag ncig phem zuj zus thiab ua rau muaj huab cua pauv, ntxim yuav ua rau cov av zoo ua liaj ua teb ploj ntxiv.⁴

Kev txuag California cov av ua liaj ua teb thiab kev txhawb txoj kev ua liaj ua teb uas yuav ua kom rov qab muaj txhua yam zoo li yav tag los yeej yog ib qhov uas tseem ceeb rau lub xeev yav tom ntej, tiam sis txoj kev ua kom muaj kev ncaj ncees hais txog cov cib fim uas yuav los saib xyuas cov av ntawm no los yeej tseem ceeb ib yam nkaus. Cov hom phiaj ntawm kev txuag av, zoo li tsab cai 30×30 Initiative,⁵ tsuas pab tau rau thaum uas txoj kev siv yeej muaj kev ncaj ncees rau cov tib neeg uas tau raug txiav yav tag los hais txog cov cib fim siv av thiab cov cib fim yuav tuav tau av ntev ntev mus. Cov koom haum txhawb kev txuag av yeej muaj ib txoj hauj lwm tseem ceeb nyob hauv

txoj kev muab lawv cov khoom siv thiab cov kev khiav hauj lwm rau lub hom phiaj ntawm no kho.

Nyob hauv qab no yog ib cov tswv yim pom zoo kom ua uas tseem ceeb tshaj rau cov koom haum txhawb kev txuag av, suav nrog rau tiam sis tsis yog tag rau cov koom haum tuav av, cov districts uas muaj av, thiab lub University of California Natural Reserve System. Yog xav paub tag nrho cov tswv yim, suav nrog rau cov tswv yim uas pom zoo kom ua ua ke thiab muaj kev nkag siab zoo txog qhov hais tias saib yuav ua li cas es thiaj li yuav ua tau kom muaj kev ncaj ncees hais txog av, thov mus nyeem **tsab ntawv nthuav qhia uas muaj tag nrho cov lus**.

2.3.a Muab nyiaj pab cov koom haum uas pab cov neeg ua liaj ua teb tseem ceeb thiab cov neeg saib xyuas Neeg Qhab cov av rau lawv coj mus yuav av thiab mam li muab cov av ua liaj ua teb xauj los sis muab pauv mus rau cov neeg ua liaj ua teb tseem ceeb thiab cov neeg saib xyuas Neeg Qhab cov av los ua cov neeg uas yuav los tuav.

2.3.b Hais kom ua, muab nyiaj ua kev txhawb zog, thiab ua kom cov tswv yim txuag av muaj

zog, zoo li cov kev pab cuam hu ua buy-protect-sell+ (yuav-tiv thaiv-muag), thiab muab txoj kev siv av uas muaj kev ncaj ncees thiab tus nqi pheej yig coj los ua qhov tseem ceeb. Yuav tsum ua kom cov neeg ua liaj ua teb tseem ceeb thiab cov neeg saib xyuas Neeg Qhab cov av yog cov uas yuav muaj cib fim mus xauj cov av ntwam no los sis mus yuav cov av ntwam no.

4.1.a Tsim ib qhov kev npaj coj los siv thoob plaws lub xeev uas yuav ua kom muaj kev ncaj ncees hais txog kev siv av los mus txuag thiab tswj California cov av ua liaj ua teb, tshwj xeeb tshaj yog Prime Farmland thiab Farmland of Statewide Importance, zoo ib yam li Nature-Based Solutions Climate Targets. Qhov kev npaj ntwam no yuav tsum kho cov hom phiaj txuag av thiab cov tswv yim txuag av tam sim no thiab yuav tsum tau sib zog txhawb txoj kev txuag cov av ua liaj ua teb uas tsis muaj tswv thiab yuav tsum tau ua kom cov neeg ua liaj ua teb tseem ceeb thiab cov neeg saib xyuas Neeg Qhab cov av muaj cib fim mus yuav tau av.

4.2.a Nyob hauv cov kev pab cuam rau kev txuag av uas muaj tshiab thiab muaj tam sim no, lawv yeej muab nyiaj mus pab cov dej num nyob hauv qab no: kev yuav cov av tseg cia ua liaj ua teb uas yog lwm tus neeg li kom siv tau thiab kev kho cov av ua liaj ua teb kom muaj kev ncaj ncees thiab muaj kev siv tau pheej yig; nqi yuav los sis pauv tswv thiab kev pab rau kev ua raws txoj cai thiab kev pab kom paub ua ib yam dab tsi thiab kom ua tiav cov ntaub ntwam yuav av thiab kev siv koom haum tuav av, cov chaw tuav dej num pab pej xeem, thiab lwm tus neeg cov av; thiab kev ua kom cov av rov qab muaj txhua yam zoo li yav tag los thiab kom siv tau cov av zoo li Qhov Kev Sib Cuam Tshuam Ntwam Txhua Yam Nyob Ntwam Thaj Av Uas Ib Txwm Muaj.

4.2.c Yuav tsum kom cov chaw tuav dej num kho txoj kev txuag av thiab cov lus qhia khiav cov kev pab cuam rau kev txuag av kom pub Neeg Qhab siv av zoo li qhov uas lawv ib txwm

siv los thiab kom pauv tau yooj yim hais txog kev siv cov av ua liaj ua teb.


4.2.e Muab nyiaj pab txoj kev tsim thiab kev khiav cov kev qhia kom neeg paub ua cov koom haum tuav av, cov chaw tuav dej num pab pej xeem, cov neeg uas yuav txheeb xyuas hais tias saib ib thaj av yog ntaus nqi ntau npaum li cas (appraisers), cov tuam txhab txais nyiaj, thiab cov neeg los sis chaw npaj kev qhia kom paub ua ib yam dab tsi uas: qhia kom paub npaj cov txuj ci los sis khoom siv uas yuav muaj txiaj ntsim rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av; ua kom muab tej kab lis kev cai saib muaj nuj nqis, tshwj xeeb tshaj yog nyob hauv txoj kev koom tes nrog cov Pab Pawg Neeg Qhab los mus ua kom muaj kev muab tej kab lis kev cai saib muaj nuj nqis, tshwj xeeb tshaj yog thaum pab cov Neeg Qhab Meskas Uas Ib Txwm Txawm Nyob Hauv California; thiab yeej nrog cov neeg ua liaj ua teb tseem ceeb thiab cov neeg uas saib xyuas Neeg Qhab cov av npaj thiab siv.

4.2.f Yuav tsum kom cov koom hauv tuav av thiab cov koom haum muaj raws zej zos los mus koom tes npaj ib cov hom phiaj rau kev txuag av nyob hauv txoj kev koom tes nrog cov zej zos uas lawv yeej muaj feem cuam, suav nrog rau txoj kev nrog cov Pab Pawg Neeg Qhab Uas Ib Txwm Txawm Nyob Hauv California sab laj.

4.4.a Tsim ib cov kev soj ntsuam coj los ua kom muaj cov kev cog lus uas yuav siv tau thiab muaj kev ncaj ncees hais txog cov av uas yog pej xeem li los ntwam txoj kev muab nyiaj pab cov koom haum uas tsis ua lag luam (nonprofits), Resource Conservation District, koom hauv tuav av, thiab lwm cov koom haum nyob hauv lub zej zos coj los ua cov neeg pab thiab daws teeb meem nyob ntwam cov neeg ua liaj ua teb tseem ceeb thiab cov neeg saib xyuas Neeg Qhab cov av thiab cov chaw tuav dej num saib xyuas av.

Muab Cov Lus Uas Siv Nyob Hauv Tsab Ntawv Nthuav Qhia Ntawm No Qhov Twg Los

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 3 "Fast facts." (n.d.). California Department of Conservation. Last accessed Oct. 2, 2025 from <https://www.conservation.ca.gov/dlrp/fmmp/Pages/Fast-Facts.aspx>
- 4 Sunding, David and Roland-Holst. (2020). "Water blueprint for the San Joaquin Valley economic impact analysis: Phase one results." The University of California, Berkeley. Last accessed Mar. 16, 2026 from <https://cawaterlibrary.net/document/water-blueprint-for-the-san-joaquin-valley-economic-impact-analysis-phase-one-results/>
- 5 "Conserving 30 percent of California's lands and coastal waters by 2030." (2025). 30x30 California. Last accessed Oct. 2, 2025 from <https://www.californianature.ca.gov/>



Neeg yeej mus nrhiav tau tsab ntawv nthuav qhia muaj tag nrho cov lus uas hais ua lus Askiv, cov ntawv nthuav qhia uas muaj cov ntsiab lus hais ua ntau yam lus, thiab cov lus qhia ntxiv hais txog cov txwj laus Task Force nyob saum huab cua (online) nyob ntawm: bit.ly/ALETF-about